

宋
名
家
詞

題梅溪詞

關雎而下三百篇當時之謠詞
也聖師刪以為經後世播詩章
於樂府被之金石管絃屈宋班

馬繇是乎出而自變體以來司
花傍輦之嘲沈香亭北之詠至
邦人主相友善則世之文人亦
士遊戲筆墨于長短句間有能

壞竒警邁清新閒婉不流於施
蕩汗淫者未易以小伎言也余
埽軌林扃草長門迳一日聞剝
啄聲園丁持謁入視之汴人史

生邦卿也迎坐竹陰下郁然而
秀整俄起謂余曰某自冠時聞
約些之號今亦既有年矣君身
益湮晦達以是來見無他求袖

出詞一編余驚笑而不荅生去
始取讀之大凡如行帝苑仙瀛
輝華絢麗欣眄駭接因掩卷而
嘆曰有是哉能事之無遺恨也

蓋生之作辭情俱到織綃泉底
去塵眼中妥帖輕圓特其餘事
至於奪茗艷于春景起悲音於
商素有瓌竒警邁清新閒婉之

長而無詭蕩汙淫之失端可以
今鑣清真平睨方回而紛々三
變行輩幾不足比數山谷以行
誼文章宗匠一代至序小晏詞

激昂婉轉以伸吐其懷抱而楊
花謝橋之句伊川猶稱可之生
滿襟風月鸞唵鳳歎鏘洋乎口
吻之際者皆自漱滌書傳中來

况欲大肆其力於五七言廻鞭
温韋之塗掉鞅李杜之域躋攀
風雅一歸于正不於是而止雖
然余方以耽泥聲律而顛踣擯

棄今又區々以勉生非惑耶若
覽斯集者不措于玄黃牝牡哀
沈而悼未遇寔繫時之所尚余
老矣生鬚髮未白數路得人恐

不特尋美于漢生姑待之生名
達祖邦卿其字云嘉泰歲辛酉
五月八日張鎡功甫序

梅溪詞

目錄

綺羅香

一調

雙雙燕

一調

陽春曲

一調

海棠春令

一調

夜行船

一調

東風第一枝

三調

玉樓春

一調

喜遷鶯

一調

萬年歡

一調

阮郎歸

二調

眼兒嬌

二調

憶瑤姬

一調

南歌子

一調

風流子

二調

金盞子

一調

杏花天

四調

三姝媚

一調

壽樓春

一調

于飛樂

一調

南浦

一調

探芳信

一調

祝英臺近

三調

釵頭鳳

一調

西江月

四調

慶清朝

一調

桃源憶故人

二調

花心動

一調

解佩令

一調

菩薩蠻

三調

賀新郎

五調

夜合花

二調

畱春令

二調

瑞鶴仙

二調

點絳脣

二調

青玉案

一調

浣溪沙

一調

蝶戀花

一調

臨江仙

三調

漢宮春

一調

蘭陵王

一調

風入松

一調

隔浦蓮

二調

鳳來朝

一調

玉簫涼

一調

鵲橋仙

一調

湘江靜

一調

玲瓏四犯

二調

八端

一調

過龍門

二調

玉蝴蝶

一調

齊天樂

五調

燕歸梁

二調

月當廳

一調

秋霽

一調

滿江紅

二調

戀繡衾

三調

換巢鸞鳳

一調

惜奴嬌

一調

龍吟曲

三調

鷓鴣天

四調

惜黃花

一詞

玉燭新

一詞

一剪梅

二詞

醉落魄

二詞

醉公子

一詞

步月

一詞

梅溪詩目

三

汲古閣

梅溪詞目錄

終

梅溪詞

宋 史達祖

綺羅香

詠春雨。或作沁園春非

做冷欺花將煙困柳千里偷催春算盡日冥迷
愁裏欲飛還住驚粉重蝶宿西園喜泥潤燕歸
南浦最妨它佳約風流鈿車不到杜陵路 沉
沉江上望極還被春潮急難尋官渡隱約遙峰
和淚謝娘睂嫵臨斷岸新綠生時是落紅帶愁

梅溪語

湯古閣

流處記當日門掩梨花剪燈深夜語

雙雙燕

燕

過春社了度簾幙中間去年塵冷差池欲住試
入舊巢相竝還相雕梁藻井又軟語商量不定
飄然快拂花梢翠尾分開紅影芳徑芹泥雨
潤愛貼地爭飛競誇輕俊紅樓歸晚看足柳昏
花暝應自棲香正穩便忘了天涯芳信愁損翠
黛雙蛾日日画欄獨凭

陽春曲

杏花煙梨花月誰與暈開春色坊巷曉悵悵東
風斷舊火銷處近寒食少年蹤迹愁暗隔水南
山北還是寶絡雕鞍被鶯聲喚來香陌 記飛
蓋西園寒猶凝結驚醉耳誰家夜笛燈前重簾
不挂殢華裾粉淚曾拭如今故里信息賴海燕
年時相識奈芳草正鎖江南夢春衫怨碧

海棠春令

似紅如白含芳意錦宮外煙輕雨細燕子不知
愁驚墮黃昏淚 燭花偏在紅簾底想人怕春
寒正睡夢著玉環嬌又被東風醉

夜行船

正月十八日開
賣杏花有感

不剪春衫愁意態過收燈有些寒在小雨空簾
無人深巷已早杏花先賣 白髮潘郎寬沈帶
怕看山憶它眉黛草色拖裙煙光惹鬢常記故

園挑菜

東風第一枝

詠春
雪

巧沁蘭心偷黏草甲東風欲障新暎謾凝碧瓦
難留信知算寒輕淺行天入鏡做弄出輕鬆纖
軟料故園不捲重簾悞了乍來雙燕青未了
柳回白眼紅欲斷杏開素面舊遊憶著山陰厚
盟遂妨上苑寒爐重暝便放慢春衫針線恐鳳
靴挑菜婦來萬一灞橋相見

又

壬戌開鵬望雨中立癸
亥春與高賓王各賦

每奚詞

汲古閣

草脚愁蘇花心夢醒鞭香拂散牛土舊歌空憶
珠簾綵筆倦題繡戶黏雞貼燕想立斷東風來
處暗惹起一掬相思亂若翠盤紅縷 今夜覓
夢池秀句明日動探花芳緒寄聲沽酒人家預
約俊遊伴侶怜它梅柳乍忍俊天街酥雨待過
了一月燈期日日醉扶歸去

又

燈夕清生。
或作元夕。

酒館歌雲燈街舞繡笑聲喧似簫鼓太平京國

多歡大酺綺羅幾處東風不動照花影一天春
聚耀翠光金縷相交冉冉細吹香霧羞醉玉
少年丰度懷豔雪舊家伴侶閉門明月關心倚
窗小梅索句吟情欲斷念嬌俊知人無據想袖
寒珠絡藏香夜久帶愁歸去

玉樓春

社前
一日

游人等得春晴也處處旗亭堪繫馬雨前穠杏
尚娉婷風後殘梅無顧藉忌拈針線還逢社

鬪草羸多裙欲卸
明朝雙燕定歸來
叮囑重簾休放下

又

賦梨花

玉容寂莫誰爲主
寒食心情愁幾許
前身清淡似梅粧
遙夜依微留月住
香迷蝴蝶飛時路
雪在秋千來往處
黃昏著了素衣裳
深閉重門聽夜雨

喜遷鶯

月波疑滴望玉壺天近了無塵隔翠眼圈花冰
絲織練黃道寶光相直自怜詩酒瘦難應接許
多春色最無賴是隨香趁燭曾伴狂客 蹤跡
謾記憶老了杜郎忍聽東風笛柳院燈疎梅廳
雪在誰與細傾春碧舊情拘未定猶自學當年
游歷怕萬一悞玉人夜寒簾隙

萬年歡

春思

兩袖梅風謝橋邊岼痕猶帶陰雪過了囟囟燈

梅溪詞

九

汲古閣

市草根青發燕子春愁未醒悞幾處芳音遼絕
煙谿上采綠人歸定應愁沁花骨非干厚情
易歇奈燕臺句老難道離別小徑吹衣曾記故
里風物多少驚心舊事第一是侵堦羅襪如今
但柳髮晞春夜來和露梳月

阮郎歸

龍香吹袖白藤鞭帽簷衝柳煙一春幾度画橋
邊東風聽筦絃花活計酒因緣從人嘲少年

真須吟就綠楊篇
灣頭寄小憐

又

月下
感事

舊時明月舊時身
舊時梅萼新舊時
月底似梅人
梅春人不春
香入夢粉成塵
情多多斷魂
芙蓉孔雀夜
溫溫愁痕卽淚痕

眼兒媚

寄贈

潘郎心老不成春
風味隔花塵
簾波漫筍窗紗
分柳還過天津
近時無覓湘雲處
不記是行

人樓高望遠應將秦鏡多照施擘

又

代答

兒家七十二鴛鴦珠珮鎖瑤箱期花等月秦臺
吹玉賈袖傳香十年白玉堂前見直是剪柔
腸將愁去也不成今世終誤王昌

憶瑤姬

聯省之
悼也

嬌月籠煙下楚領香分兩朶湘雲花房漸密時
弄杏牋初會歌裏慙勤沉沉夜久西窗屢隔蘭

燈幔影昏自綵鸞飛入芳巢繡屏羅薦粉光新
十年未始輕分念此飛花可憐柔脆銷春空
餘雙淚眼到舊家時郎謾染愁巾袖止說道凌
虛一夜相思玉樣人但起來梅發窗前哽咽疑
是君

南歌子

采綠隨雙槳看山藉一筇關南桃樹幾番紅昨
夜詩情頻在雨聲中花逕無雲隔苔垣只夢

通舊歡一餉可過從試覓鴛鴦新杏簡春風

風流子

紅樓橫落日蕭郎去幾度碧雲飛記窗眼遞香
玉臺妝罷馬蹄敲目沙路人歸如今但一鷺通
信息雙燕說相思入耳舊歌怕聽琴縷斷腸新
句羞染烏絲 相逢南溪上桃花嫩嬌樣淺澹
羅衣恰是怨深腮赤愁重聲遲悵東風巷陌草
迷春恨軟塵庭戶花悞幽期多少寄來芳字都

待還伊

又

飛瓊神仙客因遊戲誤落古桃源
藉吟牋賦筆試融春恨舞裙歌扇
聊應塵緣遣人怨亂雲天一角弱
水路三千還因秀句意流江外
僂隨輕夢身墮愁邊風流休相悞
尋芳縱來晚尚有它年只爲賦情
不淺彈淚風前想霧帳吹香獨
憐竒俊露盃分酒誰伴嬋娟好在
夜軒涼月空

梅溪詩

八

卷之四

自團圓

月軒其
流也

金盞子

獎綠催紅仰一番膏雨始張春色未踏画橋煙
江南岬應是草穠花密尙憶濺裙蘋溪覺詩愁
相覓光風外除是倩鷺煩燕謾通消息 梨花
夜來白相思夢空闌一林月深深柳枝巷陌難
重遇弓彎兩袖雲碧見說倦理秦箏怯春蔥無
力空遺恨當時畱秀句蒼苔蠹癖

杏花天

清
明

軟波拖碧蒲牙短画橋外花晴柳暝今年自是
清明晚。便覺芳情較嬾。春衫瘦東風剪剪過
花塢香吹醉面。歸來立馬斜陽。岼隔岼歌聲一
片。

又

古城官道花如霰。便恰限花間。再見雙眉最現
愁深淺。隔雨春山兩點。回頭但垂楊帶苑。想

今夜銅駝夢遠行人去了
鬢聲怨此度關心未免

又

細風微月垂楊院記年少春愁一點
棲鬢未覺花梢顫踏損殘紅幾片
長安某日邊近遠況老去芳情漸減
屏山幾夜春寒淺却將因而夢見

又

扇香曾靠腮邊粉舊塵埋月輪有暈南風未似
愁來近前事臨窗隱隱涼花畔雲歌露飲夢
斷了終難再問鴛鴦帶上三生恨將淚揩磨不
盡

三姝媚

煙光搖縹瓦望晴簷多風柳花如灑錦瑟橫床
想淚痕塵影鳳絃常下倦出犀帷頻夢見王孫
騎馬諱道相思偷理綃裙自驚腰袂惆悵南

梅溪詞

汲古閣

樓遙夜記翠箔張燈枕肩歌罷又入銅馳遍舊
家門巷首詢聲價可惜東風將恨與閒花俱謝
記取崔徽模樣歸來暗寫

壽樓春

尋春服
感念

裁春衫尋芳記金刀素手同在晴窗幾度因風
殘絮照花斜陽誰念我今無腸自少年消磨疎
狂但聽雨挑燈歌床病酒多夢睡時粧 飛花
去良宵長有絲欄舊曲金譜新腔最恨湘雲人

散楚蘭魂傷身是客愁爲鄉算玉簫猶逢韋郎
近寒食人家相思未忘蘋藻香

于飛樂

鴛鴦
怨曲

綺翼翩翩問誰常借春陂生愁近渚風微紫山
深金殿暝日暮同歸白頭相守情雖定事却難
期帶恨飛來煙埋秦草年年在夢紅衣舊沙
間香頸冷合是單栖將終怨魂何年化連理芳
枝

南浦

玉樹曉飛香待倩它和愁點破妝鏡輕嫩一天
春平白地都護雨昏煙暝幽花露溼定應獨把
闌干凭謝屐未蠟安排芙蓉文鴛重遊芳徑年
來夢裏揚州怕事隨歌殘情趁雲冷嬌眄隔東
風無人會鸞燕暗中心性深盟縱約盡同晴雨
全無定海棠夢在相思過西園秋千紅影

探芳信

謝池曉被酒滯春眠詩縈芳草正一堦梅粉都
未有人埽細禽啼處東風軟嫩約關心早未燒
燈怕有殘寒故園稀到 說道試妝了也爲我

相思占它懷抱靜數窗櫺最懽聽鵲聲好半年
白玉臺邊話屢見鈎小指芳期夜月花陰夢老

祝英臺近

或在第九句阻幽會
下分段下二闕做此

柳枝愁桃葉恨前事怕重記紅藥開時新夢又
溱洧此情老去須休春風多事便老去越難回

避阻幽會應念偷剪除醲柔條暗繁繫節物
移人春暮更顛顛可堪竹院題詩蘚苔聽雨寸
心外安愁無地

又

蓋微

綰流蘇垂錦綬煙外紅塵逗莫倚莓牆花氣醲
如酒便愁醺醉青虬蜿蜿無力戲穿碎一屏新
綉謾懷舊如今姚魏俱無風標較消瘦露點
搖香前度剪花手見郎和笑拖裙囟囟欲去幕

忽地昏留芳袖

又

落花深芳草暗春到斷腸處金勒驕風欲過大
堤去翠樓暮領西邊恰如曾約画闌映一枝瓊
樹正凝佇芳意欺月矜春渾欲便偷許多少
鶯聲不敢寄愁與謝郎日日西湖如今歸後幾
時見倚簾吹絮

釵頭鳳

向刻清商怨謀
寒食飲綠亭

梅溪詞

汲古閣

春愁遠春夢亂鳳釵一股輕塵滿江煙白江波
碧柳戶清明燕簾寒食憶憶 鶯聲曉簫聲
短落花不許春拘管新相識休相失翠陌吹衣
画樓橫笛得得

西江月

閨思

西月澹窺樓角東風暗落簷牙一燈初見影窗
紗又是重簾不下 幽思屢隨芳草閒愁多似
楊花揚花芳草遍天涯綉被春寒夜夜

又

賦木犀
香數珠

三十六宮月冷百單八顆香懸只宜結贈散花
天金粟分身顯現指嫩香隨甲影頸寒秋入
雲邊未忘靈鷲舊因緣贏得今生圓轉

又

一片秋香世界幾層涼雨闌干青天不惜爛銀
盤借與先生爲勸酒喚詩來酒外人言身在
人間如何得似碧雲閒且共嫦娥相伴

又

舟中趙子楚有詞
見詞卽意和之

裙摺綠羅芳草冠
梁白玉芙蓉次公筵上見山
公紅綬欲嘶雙鳳
已向冰奩約月夏來玉界
藥風凌波襪冷一尊同
莫負彩舟涼夢

慶清朝

墜絮葦萍狂鞭孕竹
偷移紅紫池亭餘花未落
似供殘蝶經營賦得送春詩
了夏惟憊斷綠陰
成桑麻外乳鳩穉燕別樣芳情
荀令舊香易

冷歎俊遊疎嬾枉自銷凝塵侵謝屐幽徑斑駁
苔生便覺寸心尙老故人前度謾丁寧空相悞
祓蘭曲水挑菜東城

桃源憶故人

或刻虞美人影

雙鴛感月天津近
歸後嫩情常剩燈市一年愁
凝心共梅花冷
網塵洞戶春沉靜
衰盡冶遊
情性羞見素娥嬌影
明似愁鸞鏡

又

賦然

梅溪詞

十五

汲古閣

明霞煖透春機杼春在明霞多處我是有詩漁
父一夢秦天古柳枝巷陌深朱戶牆外風流
一樹十五年來凝佇彈盡胭脂雨

花心動

風約簾波錦機寒難遮海棠煙雨夜酒未蘇春
枕猶歌曾是悞成歌舞半褰薇帳雲頭散奈愁
味不隨香去儘沈靜文園夏渴有人知否 嬾
記溫柔舊處偏只怕臨風見他桃樹繡戶鎖塵

錦瑟空絃無復画眉心緒待拈銀管書春恨被
雙燕替人言語意不盡壘揚幾千萬里

解佩令

人行花塢衣沾香霧有新詞逢春分付屢欲傳
情奈燕子不曾飛去倚珠簾詠郎秀句 相思
一度穠愁一度最難忘遮燈私語澹月梨花借
夢來花邊廊廡指春衫淚曾濺處

菩薩蠻

夜景

梨花不礙東城月月明
照見空欄雪雪底夜香
微寒簾拜月歸
錦衾幽夢短
明日南堂宴宴
罷小樓臺春風來不來

又

賦玉
薜花

唐昌觀裏東風軟
齊王宮外芳名遠
桂子典刑
邊梅花伯仲間
籠茸鈿暎雪
瑣細雕晴月
誰
駕七香車
綠雲飛玉沙

又

賦軟
香

廣寒夜搗玄霜細玉龍睡重癡涎墜鬪合一團
嬌佞人暝欲消 心情雖軟弱也要人搏搦寶
扇莫驚秋班姬應更愁

賀新郎

花落臺池靜自春衫閒來老了舊香荀令酒旣
相違詩亦可此外雲沉夢冷又催喚官河蘭艇
軋岬煙霏吹不斷望樓陰欲帶朱橋影和草色
入輕暝 裙邊竹葉多應贖怪南溪見後無箇

再來芳信蝴蝶一生花裏活難制竊香心性優
有段新愁隨定落日年年宮樹綠墮新聲玉笛
西風勁誰伴我月中聽

又

綠障南城樹有高樓銜城樓下芰荷無數客自
倚闌魚亦避恐是持竿伴侶對別浦扁舟客與
楊柳影間風不到倩詩情飛過鴛鴦浦人正在
斷腸處 兩山帶著冥冥雨想低簾短額誰見

恨時眉嫵別爲清尊眠錦瑟怕被歌留愁住便
欲趁採蓮歸去前度劉郎雖老矣奈年來猶道
多情句應笑殺舊鷗鷺

又

鵲翅西風淺乍疎雲垂幔近月銀鈎將捲天上
應閒支機石前度芳盟誰踐便好織回文錦獻
乞得穠歡今夜裏算盈盈一水曾何遠寧不會
暗相見
綵樓吹斷閒針線想幽情嫩約別有

梅溪詞

十八

汲古閣

蘇庭花院青鳥沉沉音塵絕煙鎖蓬萊宮殿漸
木杪參旗西轉不怕天孫成間阻怕人間薄倖
心腸變又學得易分散

又

六月十五日
夜西湖月下

同住西山下是天地中間愛酒能詩之社船向
少陵佳處放塵世必無知者暑不到雪宮風榭
楚竹忽然呼月上被東西幾葉雲縈惹雲散去
笑聲罷 清尊莫爲嬋娟瀉爲狂吟醉舞毋失

晉人風雅踏碎橋邊楊柳影不聽漁樵閒話更
欲舉空盃相謝北斗以南如此幾想吾曹便是
神仙也問今夜是何夜

又

湖上高賓王
趙子禁同賦

西子相思切委蕭蕭風裳水珮照人清越山染
蛾眉波鼻睩聊可與之娛悅便莫賦湘妃羅襪
怕見綠荷相倚恨恨白鷗占了涼波濶揀涼處
放船歇道人不是塵埃物縱狂吟魂魄吹亂

梅溪詞

汲古閣

一巾涼髮不覺引盃澆肺渴正要清歌駭發夏
坐上其人冰雪截取斷虹堪作釣待玉奩今夜
來時節也勝釣石城月

夜合花

賦
笛

冷截龍腰偷拏鸞爪楚山長鎖秋雲梅華未落
年年怨入江城千嶂碧一聲清杜人聞兒女簫
笙共淒涼處琵琶溢浦長嘯蘇門 當時低度
西鄰天澹闌干欲算曾賦高情子期老矣不堪

帶酒重聽纖手靜
七星明有新聲應
更魂驚夢
回人世寥寥
夜月空照天津

又

柳鎖鸞魂花翻蝶夢
自知愁染潘郎輕衫未攬
猶將淚點偷藏
念前事怯流光早去
春窺酥雨
池塘向銷凝
裏梅開半面情
滿徐妝
風絲一寸柔腸
曾在歌邊惹恨
燭底縈香
芳機瑞錦如
何未織鴛鴦
醉扶人月依牆
是當初誰敢疎狂

把閒言語花房夜久各自思量

留春令

金林
摘詠

秀肌豐靨韻多香足綠勻紅注剪取東風入金
盤斷不買臨邛賦 宮錦機中春富裕勸玉環
休妬等得明朝酒消時是閒澹雍容處

又

詠梅
花

故人溪上挂愁無奈煙稍月樹一涓春水點黃
昏便沒頓相思處 曾把芳心深相許故夢勞

詩苦聞說東風亦多情被竹外香留住

瑞鶴仙

杏煙嬌溼鬢過杜若汀洲楚衣香潤回頭翠樓
近指鴛鴦沙上暗藏春恨歸鞭隱隱便不念芳
盟未穩自簫聲吹落雲東再數故園花信誰
問聽訶窗罅倚月釣欄舊家輕俊芳心一寸相
思後總灰盡奈春風多事吹花搖柳也把幽情
喚醒對南溪桃萼翻紅又成瘦損

又賦紅梅

館娃春睡起爲發粉潤煖臉霞輕膩冰霜一生
裏厭從來冷澹粉腮重洗胭脂暗試便無限芳
穠氣味向黃昏竹外寒深醉裏爲誰偷倚嬌
媚春風模樣霜月心腸瘦來肌體孤香細細吹
夢到杏花底被高樓橫筦一聲驚斷却對南枝
灑淚謾相思桃葉桃根舊家姊妹

點絳脣

花落苔香斷無人肯行鸚鵡晚風翻繡吹醒東
窗酒 獨臥氍毹明月知人瘦香消後亂愁依
舊開□胡酥手

又

六月十四夜與社友泛湖過西陵橋已子夜矣

山月隨人翠蘋分破秋山影約船歸盡橋外詩
心迥 多少荷花不蓋鴛鴦冷西風定可憐潘
鬢偏漫秦臺鏡

青玉案

梅溪詞

汲古閣

蕙花老盡離騷句綠染遍江頭樹日午酒消聽
驟雨青榆錢小碧苔錢古難買東君住官河
不礙遺鞭路被芳草將愁去多定紅樓簾影算
蘭燈初上夜香初炷猶自聽鸚鵡

浣溪沙

不見東山月露香姚家借得小芬芳亂鸞隨趁
過宮牆香珀碾花嬌有意綠茸綉葉澀無光
御封春酒幾時嘗

蝶戀花

二月東風吹客袂蘇小門前楊柳如腰細胡蝶
識人遊冶地舊曾來處花開未 幾夜湖山生
夢寐評泊尋芳只怕春寒裏令歲清明逢上巳
相思先到濺裙水

臨江仙

草脚青回細膩柳梢綠轉條苗舊遊重到合魂
銷棹橫春水渡人凭赤闌橋 歸夢有時曾見

新愁未肯相饒酒香紅被夜迢迢莫交無用月
來照可憐宵

又

倦客如今老矣舊時不奈春何幾曾湖上不經
過看花南陌醉駐馬翠樓謝遠眼愁隨芳草
湘裙憶著春羅枉教裝得舊時多向來簫鼓地
猶見柳婆娑

又

問
息

愁與西風應有約年年同赴清秋舊遊簾幙記
揚州一燈人著夢雙雁月當樓 羅帶鴛鴦塵
暗澹更須整頓風流天涯萬一見溫柔瘦應因
此瘦羞亦爲郎羞

漢宮春

友人與里娘雅有舊分別
去則黃冠矣托子寄情

花隔東垣詠燕臺秀句結帶謀歡凶凶舊盟有
限飛夢重關南塘夜月照湘琴別鶴孤鸞天便
遣清愁易長春衣常恁香寒 唐昌故宮何許

頓剪霞裁霧擺落塵緣一聲步虛婉婉雲駐天
壇淒涼故里想香車不到人間羞再見東陽帶
眼教人依舊思凡

蘭陵王

南湖回碧蓮見
寄走筆次韵

漢江側月弄仙人珮色含情久擗段楚衣天水
空濛染嬌碧文漪簾影織涼骨時將粉飾誰曾
見羅襪去時點點波間冷雲積想思舊飛鷁
謾想像風裳追恨瑤席涉江幾度和愁摘記雲

映雙腕刺繁絲縷分開綠蓋素袂溼放新句吹
入寂寂意猶昔念淨社因緣天許相覓飄蕭
羽扇搖團白屢側臥尋夢倚欄無力風標公子
欲下處似認得

風入松

茉莉花

素馨拊萼太寒生多剪春冰夜深綠霧侵涼月
照晶晶花葉分明人臥碧紗愞淨香吹雪練衣
輕頻伽嘶得墮南薰不受纖塵若隨荔子華

梅溪詩

十五

汲古閣

清去定空埋身外
芳名借重玉爐沉
炷起予石鼎湯聲

隔浦蓮

紅塵飛不到處
此地知無暑
亂竹分幽徑
虛堂中自回互
陰窅生暗霧
飛泉注氣入
閒尊俎快風度
齊宮楚榭
如今空鎖煙樹
何人伴我夢
賦雪車冰柱
惟有蟬聲助
冷語驚寤
飛雲來獻

涼雨

又

荷花

洛神一醉未醒俯鑑窺紅影萬綠森相衛西風
靜不放冷侵曉鷗夢穩非塵境棹月香千頃錦
機靚亭亭不語多應嗔賦玉井西湖遊子慣
識雨愁煙恨只恐吳娃暗折贈耿耿柔絲容易
縈損

鳳來朝

五日感事

暈粉就妝鏡掩金闈絲絲未整趨無人學指鴛

梅溪詞

二十六

汲古閣

鵲頸恨誰踏
蘚花逕
一夢蒲香葵冷
墮銀瓶
脆繩挂井扇底
并團圓影
只此是沈郎病

玉簫涼

秋是愁鄉自錦瑟斷絃有淚如江
平生花裏活
奈舊夢難忘
藍橋雲樹正綠
料抱月幾夜眠香
河漢阻但鳳音傳
恨欄影敲涼
新妝蓮嬌試
曉梅瘦破春因甚
却扇臨窗紅巾銜翠翼
早弱水茫茫柔指
各自未剪問此去
莫負王昌芳信

準夏敢尋紅杏西廂

鵲橋仙

七夕舟中

河深鵲冷雲高鸞遠水珮風裳縹緲却推離恨
下人間第一個黃昏過了舟行有限愁來無
限去去長安漸杳應將巧思入相思覺淚比銀
灣較少

湘江靜

算草堆青雲漫浦記囟囟倦篙曾駐漁榔四起

梅溪詞

二十七

汲古閣

沙鷗未落怕愁沾
詩句碧袖一聲訶
石城怨西風隨去
滄波蕩晚菰蒲弄
秋還重到斷魂處
酒易醒思正苦想
空山桂香懸樹三
年夢冷孤吟意短
屢煙鍾津鼓屐齒
厭登臨移橙後幾
番涼雨潘郎漸老
風流頓減閒居未
賦

玲瓏四犯

雨入愁邊翠樹晚
無人風葉如剪竹
尾通涼却怕小簾
低捲孤坐便怯詩
慳念後賞舊曾題
遍

夏暗塵偷鎖鸞影心事屢羞團扇
賣花門館生秋草恨弓彎幾時重見
前歡盡屬風流夢天
芙蓉樓遠聞道秀骨病多難自任
從來恩怨料也和前度金籠鸚鵡說
人情淺

又

京口寄所思

濶甚吳天頓放得江南離緒多少
一雨爲秋涼氣小窗先到輕夢聽
徹風蒲又散入楚空清曉
問世間愁在何處不離澹煙衰草
簾紋獨漫

梅溪詞

二十八

汲古閣

芙蓉影想淒淒欠郎偎抱卽今臥得雲衣冷山
月仍相照方悔翠袖易分難聚有玉香花笑待
雁來先寄新詞歸去且教知道

八歸

秋江帶雨寒沙縈水人瞰画閣愁獨煙褰散響
驚詩思還被亂鷗飛去秀句難續冷眼盡歸圖
画上認隔岬微茫雲屋想半屬漁市樵村欲莫
競燃竹須信風流未老憑持酒慰此淒涼心

目一鞭南陌幾篙官渡賴有歌眉舒綠只囟囟
眺遠早覺閒愁挂喬木應難奈故人天際望徹
淮山相思無雁足

過龍門

一帶古苔牆多聽寒蠶篋中針線早銷香燕尾
寶刀窗下夢誰剪秋裳宮漏莫添長空費思
量鴛鴦難得再成雙昨夜楚山花簾裏波影先
涼

梅溪詞

又春愁

醉月小紅樓錦瑟空篔簹夜來風雨曉來收幾點
落花饒柳絮同爲春愁 寄信問晴鷗誰在芳
洲綠波寧處有蘭舟獨對舊時攜手地情思悠
悠

玉蝴蝶

晚雨未摧宮樹可憐閒葉猶抱涼蟬短景歸秋
吟思又接愁邊漏初長夢魂難禁人漸老風月

俱寒想幽歡二花庭甃蟲網闌干無端啼蛄
攪夜恨隨團扇苦近秋蓮一笛當樓謝娘懸淚
立風前故園晚強留詩酒新雁遠不致寒暄隔
蒼煙楚香羅袖誰伴嬋娟

齊天樂

白髮

秋風早入潘郎鬢斑斑遽驚如許暝雪侵梳晴
絲拂領栽滿愁城深處瑤簪謾妬僂羞插宮花
自憐衰算尙想春情舊吟淒斷茂陵女人間

公道惟此歎朱顏也。恁容易墮去。涅子重緇。搔
來夏短。方悔風流相悞。郎潛幾縷。漸疎了銅駝
俊遊儔。侶縱有駮駮。奈何詩思苦。

又

秋興

闌干只在鷗飛處。年年怕吟秋興。斷浦沉雲空
山挂雨中。有詩愁千頃。波聲未定。望舟尾拖涼
渡頭籠暝。正好登臨。有人歌罷翠簾冷。悠然
魂墮故里。奈閒情未了。還被吹醒。拜月虛簷聽。

蛩壞砌誰復能憐嬌俊憂心耿耿寄桐葉芳題
冷風新詠莫遣秋聲樹頭喧夜永

又

賦
橙

犀紋隱隱鵝黃嫩籬落翠深偷見細雨重移新
霜試摘佳處一年秋晚荆江未遠想橘友荒涼
木奴嗟怨就說風流草泥來趁蟹螯健并刀
寒映素手醉魂沉夜飲曾倩排遣沆瀣含酸金
甕聚玉菽菽吳鹽輕點瑤姬齒軟待惜取團圓

梅溪詞

汲古閣

莫教分散入手溫杼帕羅香自滿

又湖上卽席分
詞得斜字

鴛鴦拂破蘋花影低低趁涼飛去画裏移舟詩
邊就夢葉葉碧雲分雨芳游自許過柳影閒波
水花平渚見說西風爲人吹恨上瑤樹 關汗
斜照未滿杏牆應望斷春翠偷聚淺約按香深
盟搗月誰是窗間青羽孤箏幾柱問因甚參差
斲成離阻夜色空庭待歸聽俊語

又

中秋宿
真定驛

西風來勸涼雲去天東放開金鏡照野霜凝入
河桂溼一一冰壺相映殊方路永更分破秋光
盡成悲境有客躊躇古庭空自吊孤影 江南
朋舊在許也能憐天際詩思誰領夢斷刀頭書
開蠶尾別有相思隨定憂心耿耿對風鵲殘枝
露蛩荒井斟酌姮娥九秋官殿冷

燕歸梁

楚夢吹成樹外雲
乍雁影斜分黃花心事一簾
塵但頻憶小腰身
今宵素壁冰絃冷怕彈斷
沈郎魂秋衣因甚滿愁痕
是午預幾黃昏

又

獨臥秋窗桂未香
怕雨點飄涼玉人只在楚雲
傍也著淚過昏黃
西風今夜梧桐冷斷無夢
到鴛鴦秋鉦二十五聲長
請各自奈思量

月當廳

白壁舊帶秦城夢因誰拜下楊柳樓心正是夜
分魚鑰不動香深時有露螢自照占風裳可喜
影懣金坐來久都將涼意盡付沉吟 殘雲事
緒無人捨恨凶凶藥娥歸去難尋綴取霧窗曾
唱幾拍清音猶有老來印愁處冷光應念雪翻
簪空獨對西風緊弄一井桐陰

秋霽

江水蒼蒼望倦柳愁荷共感秋色廢閣先涼古

簾空算雁程最嫌風力故園信息愛渠入眼南
山碧念上國誰是鱸鱸江漢未歸客還又歲
晚瘦骨臨風夜聞秋聲吹動岑寂露蛩悲清燈
冷屋翻書愁上鬢毛白年少俊遊渾斷得但可
憐處無奈苒苒魂驚採香南浦剪梅煙驛

滿江紅

中秋
夜湖

萬水歸陰故潮信盈虛因月偏只到涼秋半破
鬪成雙絕有物揩磨金鏡淨何人拏撥銀河決

想子胥今夜見嫦娥沉冤雪
光直下蛟龍穴
聲直上蟾蜍窟對望中天地洞然如刷激氣已
能驅粉黛舉盃便可吞吳越待明朝說似與兒
曹心應折

又書
懷

好領青衫全不向詩書中得還也費區區造物
許多心力未暇買田清潁尾尚須索米長安陌
有當時黃卷卷滿前頭多慙德
息往事嗟兒劇

憐牛後懷雞肋奈稜稜虎豹九重九隔三徑就
荒秋自好一錢不直貧相逼對黃花常待不吟
詩詩成癖

又

九月二十一日出京懷古

緩轡西風歎三宿遲遲行客桑梓外鋤耒漸入
柳坊花陌雙闕遠騰龍鳳影九門空鎖鴛鸞翼
夏無人擲笛傷宮牆苔花碧天相漢民懷國
天厭虜臣離德越建瓴一舉并收鰲極老子豈

無經世術詩人不預平戎策辨一襟風月看昇
平吟春色

戀繡衾

吳梅初試澗谷春夜幽幽江雁叫雲人正在孤
窗底被穠愁醺破醉魂 雨窗只剩殘燈影伴
羅衣無限淚痕瘦骨怕紅綿冷說年時斗帳夜
分

又

黃華驚破九日愁正寒城風雨怨秋愁便是秋
心也又隨人來到西樓因緣幸自天安頓更
題紅不禁御溝待寫與相思話爲怕奴顛顛且
休

又

席上夢錫
漢章同賦

天風入扇吹芡衣小紅樓夜氣正微有人在水
絃外水精簾花影自移陽臺只是虛無夢便
不成涼夜誤伊想閉了瑯璃簾就一身明月伴

歸

換巢鸞鳳

梅意。花
菴作春情

人若梅嬌正愁橫斷塢夢繞谿橋倚風融漢粉
坐月怨秦簫相思因甚到纖腰定知我今無魂
可銷佳期晚謾幾度淚痕相照 人悄天眇眇
花外語香時透郎懷抱暗握萸苗乍嘗櫻顆猶
恨侵階芳草天念王昌忒多情換巢鸞鳳教偕
老溫柔鄉醉芙蓉一帳春曉

憇奴嬌

香剝酥痕自昨夜春愁醒高情寄冰橋雪嶺試
約黃昏便不悞春昏信人靜倩嬌娥留連秀影
吟鬢簪香已斷了多情病年年待將春管領
鏤月描雲不枉了閒心性謾聽誰敢把紅顏比
竝

龍吟曲

卽水龍吟

問梅劉孝

夜寒幽夢飛來小梅影下東風曉蝶魂未冷吾

身良是悠然一笑竹杖敲苔布鞵踏凍歲常先
到傍蒼林却恨儲風養月須我輩新詩吊 永
以南枝爲好怕從今逢花漸老愁消秀句寒回
斗酒春心多少之子逃空伊人遯世又還驚覺
但歸來對月高情耿耿寄白雲杪

又雪

夢回虛白初生便疑冷月通窗戶不知夜久都
無人見玉妃起舞銀界回天瓊田易地晃然非

故想兒童健意生
愁霽色情頻在窺簾處
一片樵林釣浦是
天教王維画取未如授簡先
將高興收歸妙句
江路梅愁灞陵人老又騎驢去
過章臺記得春風乍見倚簾吹絮

又

陪節欲行
留別社友

道人越布單衣興高愛學蘇門嘯
有時也伴四佳公子五陵年少歌
裏眠香酒酣唱月壯懷無撓楚
江南每爲神州未復攔手靜慵登眺
今

日征夫在道敢辭勞
風沙短帽休吟稷穗休尋
喬木獨憐遺老同社詩囊小
窗針線斷腸秋早
看歸來幾許吳霜染鬢
驗愁多少

鷓鴣天

睡袖無端幾摺香
有人丹臉可占霜
半窗月印
梅猶瘦一律餅筵夜正長
情豔豔酒在狂小
屏誰與画鴛鴦
解衣恰恨敲金釧
驚起春風傍
枕囊

又

登市
書事

御路東風拂醉衣
賣燈人散燭籠稀
不知月底梅花冷
只憶橋邊步襪歸
閒夢淡舊游非
夜深誰在小簾幃
星兒下團爐坐
明處將人立地時

又

搭柳闌干倚佇頻
杏簾蝴蝶繡床春
十年花骨東風淚
幾點螺香素壁塵
簫外月夢中雲
素

樓楚殿可憐身
新愁換盡風流性
偏恨鴛鴦不念人

又 衛縣道中
有懷其人

雁足無書古塞幽
一程煙草一程愁
帽簷塵重風吹野
帳角香銷月滿樓
情思亂夢魂浮縵
裙多憶弊貂裘
官河水靜闌干
暝徙倚斜陽怨
晚秋

惜黃花

九月七日
定興道中

涵秋寒渚染霜丹樹尚依稀是來時夢中行路
時節正思家遠道仍懷古更對著滿城風雨
黃花無數碧雲欲算美人兮美人兮未知何處
獨自捲簾攏誰爲開尊俎恨不得御風歸去

玉燭新

疎雲縈碧岫帶晚日搖光半江寒皺越溪近遠
空頻向過雁風邊回首酸心一縷念水北尋芳
歸後輕醉醒隄月籠沙鞍鬆寶輪飛驟 秦樓

屢約芳春記扇背題詩怕羅沾酒瘦愁易就因
驚斷夢裏桃源難又臨風話舊想日算梅花孤
瘦還靜倚修竹相思盈盈翠袖

一剪梅

誰寫梅谿字字香沙邊幽夢常恁芬芳不如花
解伴昏黃只怕東風吹斷人腸小閣無燈月
浸窗香吹羅袖酒映宮妝如今竹外怕思量
裏佳人一片冰霜

梅溪話

又 追感

秦客當樓泣鳳簫宮衣香斷不見纖腰隔年心事又今宵折盡冰絃何用鸞膠些子輕魂幾度銷蘭騷惹些無計重招東窗一段月華嬌也帶春愁飛上梅梢

醉落魄

鴛鴦意愜空分付有情眉睫齊家蓮子黃金葉爭比秋苔靴鳳幾番躡牆陰月白花重疊

凶軟語屢驚怯宮香錦字將盈篋雨長新寒今
夜夢魂接

又

浙江送人時子
振之官越幕

江痕妥貼日光熨動黃金葉闌干直下愁相接
一朶紅蓮飛上越人楫 鯉魚波上丁寧切詩
筒如綫不曾別明年好箇春風客五鷄交飛身
在玉皇闕

醉公子

詠梅寄南
湖先生

梅溪詞

四十一

汲古閣

神仙無臯澤瓊裾珠珮卷下塵陌秀骨依依誤
向山中得與相識溪岫側倚高情自鎖煙翠時
點空碧念香襟沾恨酥手剪愁今後夢魂隔
相思暗驚清吟客想玉照堂前樹三百雁翅霜
輕鳳羽寒深誰護春色詩鬢白總多因水村攜
酒煙墅留屐夏時帶明月同來與花爲表德

步月

剪柳章臺問梅東閣醉中攜手初歸逗香簾下

璀璨鏤金衣正依約冰絲射眼更荏苒蟾玉西
飛輕塵外雙鴛細感誰賦洛濱妃 霏霏紅霧
繞步搖共鬢影吹入花圍管絃將散人靜燭籠
稀泥私語香櫻乍破怕夜寒羅襪先知歸來也
相俛未肯入重幃

余幼憤準之燕詞便心醉梅溪今讀其全集
如醜，玉生春柳髮梳月等語別柳昏花
暝之句又不足多矣姜白石稱其奇秀清逸

有李長吉之韻蓋能融情景于一家會句
意于兩得豈易及耶 湖南毛晉識

梅溪詞終